



Broj: 08-50.1-96/06  
Sarajevo, 04.08.2006.godine

Ministarstvo pravde Bosne i Hercegovine, rješavajući po zahtjevu Udruženja Aktuarsko Društvo u Bosni i Hercegovini, Sarajevo, ulica Dolina broj 8, za upis u Registar udruženja, na osnovu člana 33., a u vezi sa članom 28. st. 1., 2. i 5. Zakona o udruženjima i fondacijama Bosne i Hercegovine ("Službeni glasnik BiH", br. 32/01 i 42/03), donosi

**R J E Š E N J E**  
**o upisu u Registar udruženja**

1. U Registar udruženja kod Ministarstva pravde Bosne i Hercegovine upisuje se udruženje pod nazivom:

**Udruženje Aktuarsko Društvo u Bosni i Hercegovini**  
**Удружење Актуарско Друштво у Босни и Херцеговини**  
**Udruga Aktuarsko Društvo u Bosni i Hercegovini**

Skraćeni naziv udruženja je: AD BiH, АД БИХ, AD BiH

Sjedište Udruženja je: Sarajevo, ulica Dolina broj 8

2. Udruženje je upisano pod registarskim brojem RU-483/06, knjiga Registra I, dana 04.08.2006.godine.
3. Danom izdavanja ovog rješenja registrovano udruženje ima slobodu djelovanja na cijelom području Bosne i Hercegovine i u obavljanju svoje djelatnosti može upotrebljavati isključivo svoj registrovani naziv.
4. Ciljevi odnosno djelatnosti za koje je Udruženje osnovano su:
  - praćenje razvoja aktuarskih naučnih i stručnih disciplina,
  - izučavanje i unapređenje praktičnih primjena aktuarskih disciplina,
  - unapređenje i organizovanje naučnog i stručnog obrazovanja aktuara i drugih kadrova za područje osiguranja u okviru jedinstvenog programa, a u saradnji sa visokoškolskim i naučnim institucijama i drugim ustanovama i to u skladu sa međunarodnim standardima, državnim i stručnim asocijacijama osiguravajućih društava, stranim aktuarskim društvima i međunarodnim udruženjima aktuara i ostalim srodnim udruženjima,
  - promocija aktuarske nauke i struke u skladu sa Zakonom.

5. Udruženje stiče svojstvo pravnog lica danom upisa u Registar ovog ministarstva, a lice ovlašteno za zastupanje i predstavljanje Udruženja je:

Nedim Gavranović, Sarajevo, ulica Kemala Kapetanovića broj 24 - predsjednik Upravnog odbora

6. Udruženje je dužno podnijeti ovom Ministarstvu zahtjev za izmjenu i dopunu registracije u slučaju nastupanja promjene nakon donošenja ovog Rješenja u roku od 30 dana od dana nastupanja promjene, odnosno dužan je postupiti u skladu sa članom 43. stav 1. Zakona o udruženjima i fondacijama Bosne i Hercegovine.

### Obrazloženje

Udruženje Aktuarsko Društvo u Bosni i Hercegovini podnijelo je zahtjev za upis u Registar udruženja kod Ministarstva pravde, dana 22.06.2006. godine.

Uvidom u dostavljenu dokumentaciju: Odluka o osnivanju udruženja, Statut udruženja, Odluka o imenovanju lica ovlaštenog za zastupanje i predstavljanje, Odluka o imenovanju Upravnog odbora, te drugih potrebnih dokumenata, utvrđena je njegova usaglašenost sa Zakonom o udruženjima i fondacijama Bosne i Hercegovine i da su ispunjeni zakonski uslovi za upis u Registar, te je na osnovu toga riješeno kao u dispozitivu ovog Rješenja.

U smislu člana 29. stav a. Pravilnika o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija ("Službeni glasnik BiH", broj: 9/02), podnosilac zahtjeva dužan je platiti administrativnu taksu u iznosu od 50,00 KM.

#### **Pouka o pravnom lijeku:**

Protiv ovog rješenja može se uložiti žalba Komisiji za žalbe, u roku od 15 dana od dana prijema istog.

Žalba se podnosi putem ovog Ministarstva u tri primjerka.

Rješenje dostavljeno:

- Udruženju;
- Zbirka isprava;
- «Službeni glasnik BiH»



MINISTAR  
*Slobodan Kovač*  
Slobodan Kovač